

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1007/10
Sarajevo, 23.09.2010. godine

Z A P I S N I K
17. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 14. i 23. septembra 2010.
godine

Sjednica je počela u 11.56.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, premijera Federacije Mustafu Mujezinovića, zamjenike premijera Vjekoslava Bevandu i Gavrila Grahovca, ministre u Vladi Federacije Bosne i Hercegovine, direktora JP Željeznice Federacije Bosne i Hercegovine Nedžada Osmanagića, predsjednika Upravnog odbora JP Željeznice Federacije Bosne i Hercegovine Pavu Bobana, predstavnike međunarodnih udruženja, predstavnike međunarodnih organizacija, kao i predstavnike akreditiranih medijskih kuća koje prate rad sjednice.

Izostanak sa sjednice opravdali su: Jasenko Tufekčić, Nikola Simić, Slobodan Zivlak, Dženana Zlatar, Kenan Keserović, Mira Jurić, Saša Magazinović i Edina Papo.

Na osnovu evidencije Stručne službe, predsjedavajući je konstatovao da sjednici prisustvuje 46 delegata, što čini većinu, te Dom naroda može raditi i punovažno odlučivati.

Prije prelaska na rad delegati su, bez primjedbi (39 glasova za i tri glasa protiv) usvojili Zapisnik 15. vanredne sjednice Doma naroda Parlamenta Federacije Bosne i Hercegovine, održane 22. jula 2010. godine. Također, delegati su bez primjedbi (37 glasova za, jedan uzdržan glas i jedan glas protiv) usvojili Zapisnik 16. vanredne sjednice Doma naroda Parlamenta Federacije Bosne i Hercegovine, održane 29. jula 2010. godine. Bez primjedbi, sa 37 glasova za, uz jedan uzdržani glas i uz jedan glas protiv, delegati su usvojili Zapisnik 31. sjednice Doma naroda Parlamenta Federacije Bosne i Hercegovine, održane 22. juna, 8. jula i 22. jula 2010. godine.

Predsjedavajući je obavijestio delegate da je Vlada Federacije dostavila Parlamentu Federacije Prijedlog Izmjena i dopuna Budžeta Federacije Bosne i Hercegovine za 2010. godinu, Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu i Prijedlog Zakona o dopuni Zakona o privrednim društvima sa prijedlogom da se razmatraju po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije:

- sa 35 glasova za, uz tri glasa protiv i uz sedam uzdržanih glasova, prihvatio da se Prijedlog Izmjena i dopuna Budžeta Federacije Bosne i Hercegovine za 2010. godinu razmatra po hitnom postupku;
- sa 37 glasa za, uz dva glasa protiv i uz pet uzdržanih glasova, prihvatio da se Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu razmatra po hitnom postupku;
- sa 33 glasa za, uz pet glasova protiv i uz četiri uzdržana glasa, prihvatio da se Prijedlog o dopuni Zakona o privrednim društvima razmatra po hitnom postupku.

Kolegij Doma naroda je predložio da se u dnevni red ove sjednice uvrsti prijedlog za rješenje spornih pitanja u Prijedlogu Zakona o izmjenama i dopunama Zakona o sudovima u Federaciji Bosne i Hercegovine i Prijedlogu Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine kao 6. tačka dnevnog reda. Sa 36 glasova za, uz četiri glasa protiv i uz tri uzdržana glasa, delegati su prihvatili ovaj prijedlog.

Predsjedavajući je obavijestio delegate da je na Kolegiju Doma naroda bilo još prijedloga za dopunu dnevnog reda, ali je predložio da se u dnevni red ove sjednice ne uvrštavaju dodatne tačke, nego da se održi još jedna sjednica na kojoj bi se razmatrale te tačke, pod uvjetom da i Predstavnički dom održi još jednu sjednicu.

Tomo Vidović, Alija Begović - ispred Kluba delegata bošnjačkog naroda i Drago Puzigaća, istakli su postojanje određenog broja akata koje bi Dom naroda trebao razmatrati i usvojiti a koje je Predstavnički dom ranije usvojio, ali su zbog značaja akata predviđenih za razmatranje na ovoj sjednici odustali od prijedloga za dopunu dnevnog reda sjednice, uz mogućnost održavanja još jedne sjednice Doma naroda na kojoj bi se razmatrali akti koje je usvojio Predstavnički dom.

Predsjedavajući Doma naroda je izjavio da postoji mogućnost da se do kraja mandata održi još jedna sjednica, a premijer Federacije Mustafa Mujezinović je zamolio delegate da se ne proširuje dnevni red ove sjednice.

Na osnovu rezultata glasanja predsjedavajući je konstatovao da je Dom naroda, sa 35 glasova za, uz dva glasa protiv i uz šest uzdržanih glasova, usvojio sljedeći:

DNEVNI RED

1. Prijedlog Izmjena i dopuna Budžeta Federacije Bosne i Hercegovine za 2010. godinu - hitni postupak, sa sljedećim materijalima koji se dostavljaju radi informiranja:
 - Dokument okvirnog Budžeta Federacije Bosne i Hercegovine za period 2011. – 2013. godina,
 - Revidirano pismo namjere iz stand – by aranžmana sa MMF-om,
 - Tabela prijedloga izmjena i dopuna Budžeta za 2010. godinu prema metodologiji MMF –a,
 - Odluka o usvajanju rebalansa budžeta nižih nivoa vlasti kao uvjet za dodjelu sredstava iz Budžeta Federacije Bosne i Hercegovine za 2010. godinu sa pozicija 614100 – Grantovi drugim nivoima vlasti i 822100 – Pozajmljivanje drugim nivoima vlasti za finansiranje deficita u 2010. godini,
2. Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu – hitni postupak,
3. Prijedlog Zakona o dopuni Zakona o privrednim društvima – hitni postupak,
4. a) Informacija o kreditnom zaduženju JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina,
b) Prijedlog Odluke o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo,
c) Nacrt ugovora o sindiciranom dugoročnom kreditu sa valutnom klauzulom između JP Željeznice Federacije Bosne i Hercegovine d.o.o. Sarajevo i Unicredit banke d.d. Mostar i Intesa Sanpaolo banke d.d. Bosna i Hercegovina;
d) Nacrt posebnog ugovora o garanciji za kreditno zaduženje JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina između Federacije Bosne i Hercegovine, koju zastupa Federalno ministarstvo finansija i JP Željeznice Federacije Bosne i Hercegovine d.o.o. Sarajevo,
5. a) Informacija o zajmu Međunarodnog aerodroma „Sarajevo“ kod Evropske banke za obnovu i razvoj,
b) Prijedlog Odluke o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj,
c) Nacrt ugovora o zajmu između Međunarodnog aerodroma „Sarajevo“ i Evropske banke za obnovu i razvoj;
d) Nacrt ugovora o garanciji za zajam Međunarodnog aerodroma „Sarajevo“ između Bosne i Hercegovine i Evropske banke za obnovu i razvoj;
e) Nacrt ugovora o podršci zajma između Federacije Bosne i Hercegovine i Evropske banke za obnovu i razvoj,

- f) Nacrt posebnog ugovora o garanciji za zajam JP Međunarodnom aerodromu „Sarajevo“ d.o.o. kod Evropske banke za obnovu i razvoj između Federalnog ministarstva finansija i JP Međunarodnog aerodroma „Sarajevo“ d.o.o.,
6. Prijedlog za rješenje spornih pitanja u Prijedlogu Zakona o izmjenama i dopunama Zakona o sudovima u Federaciji Bosne i Hercegovine i Prijedlogu Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine.

1. Prijedlog Izmjena i dopuna Budžeta Federacije Bosne i Hercegovine za 2010. godinu

Prijedlog Izmjena i dopuna Budžeta utvrdila je Vlada Federacije Bosne i Hercegovine i dostavila Parlamentu radi usvajanja. Uz ove izmjene i dopune dostavljeni su sljedeći materijali radi informiranja:

- Dokument okvirnog budžeta Federacije Bosne i Hercegovine za period 2011. – 2013. godina,
- Revidirano pismo namjere iz stand – by aranžmana sa MMF-om,
- Tabela prijedloga izmjena i dopuna Budžeta za 2010. godinu prema metodologiji MMF –a,
- Odluka o usvajanju rebalansa budžeta nižih nivoa vlasti kao uvjet za dodjelu sredstava iz Budžeta Federacije Bosne i Hercegovine za 2010. godinu sa pozicija 614100 – Grantovi drugim nivoima vlasti i 822100 – Pozajmljivanje drugim nivoima vlasti za finansiranje deficita u 2010. godini.

Predstavnički dom Parlamenta Federacije je na 31. vanrednoj sjednici od 13.09.2010. godine usvojio Prijedlog Izmjena i dopuna Budžeta Federacije Bosne i Hercegovine za 2010. godinu u tekstu kako ga je predložila Vlada Federacije.

Prijedlog su razmatrala nadležna radna tijela i dostavila izvještaje.

Prijedlog Izmjena i dopuna obrazložio je Vjekoslav Bevanda, federalni ministar finansija.

U raspravi su učestvovali: Elvira Abdić-Jelenović koja je zatražila da se u Zapisniku sjednice konstatuje da svi delegati u Domu naroda nisu na vrijeme dobili ovaj materijal, Tomo Vidović, Igor Rajner, Josip Perić, Svetozar Pudarić, Mislav Sučić, Ivo Komšić, Lidija Bradara i Emir Frašto.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz jedan glas protiv i uz sedam uzdržanih glasova, usvojio Prijedlog Izmjena i dopuna Budžeta Federacije Bosne i Hercegovine za 2010. godinu.

2. Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu

Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu utvrdila je Vlada Federacije Bosne i Hercegovine i dostavila Parlamentu radi usvajanja.

Predstavnički dom Parlamenta Federacije je na 31. vanrednoj sjednici od 13.09.2010. godine usvojio Prijedlog Zakona o izmjenama i dopunama Zakona o izvršavanju Budžeta Federacije Bosne i Hercegovine za 2010. godinu u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

U raspravi su učestvovali: Muhamed Osmić, Mira Ljubijankić, Igor Rajner i Tomo Vidović.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za i uz šest uzdržanih glasova, usvojio Prijedlog Izmjena i dopuna Zakona o izvršavanju Budžeta Federacije Bosne i Hercegovine za 2010. godinu.

3. Prijedlog Zakona o dopuni Zakona o privrednim društvima

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije je na 31. vanrednoj sjednici od 13.09.2010. godine usvojio Prijedlog Zakona o dopuni Zakona o privrednim društvima u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Stipe Buljan, sekretar Federalnog ministarstva energije, rudarstva i industrije.

U raspravi su učestvovali: Igor Rajner, Elvira Avdić-Jelenović, Tomo Vidović i Stipe Buljan.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o dopuni Zakona o privrednim društvima, jer je za glasalo 25 delegata, šest delegata je bilo protiv, dok je osam delegata bilo uzdržano.

Budući da je izražena sumnja u rezultate glasanja, prišlo se poimeničnom glasanju koje je obavio sekretar Doma naroda Izmir Hadžić.

Na osnovu rezultata poimeničnog glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o dopuni Zakona o privrednim društvima, jer su za glasalo 24 delegata, šest delegata je bilo protiv, a sedam delegata je bilo uzdržano.

4. a) **Informacija o kreditnom zaduženju JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina**
- b) **Prijedlog Odluke o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo**
- c) **Nacrt ugovora o sindiciranom dugoročnom kreditu sa valutnom klauzulom između JP Željeznice Federacije Bosne i Hercegovine d.o.o. Sarajevo i Unicredit banke d.d. Mostar i Intesa Sanpaolo banke d.d. Bosna i Hercegovina**
- d) **Nacrt posebnog ugovora o garanciji za kreditno zaduženje JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina između Federacije Bosne i Hercegovine, koju zastupa Federalno ministarstvo finansija i JP Željeznice Federacije Bosne i Hercegovine d.o.o. Sarajevo**

Akte je donijela Vlada Federacije i dostavila ih Parlamentu radi razmatranja i odobravanja.

Predstavnički dom je na 31. vanrednoj sjednici od 13.09.2010. godine donio Odluku kojom je odobrio Odluku o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo.

Akte su razmatrala nadležna radna tijela i dostavila izvještaje.

U zajedničkoj raspravi o svim aktima učestvovali su: Igor Rajner, Vjekoslav Bevanda, federalni ministar finansija, Mira Ljubijankić i Mislav Sučić.

Predsjedavajući je predložio da se obavi rasprava i o sljedećoj tački dnevnog rada, a da se izjašnjenje obavi na kraju sjednice, što su delegati prihvatili.

5. a) **Informacija o zajmu Međunarodnog aerodroma „Sarajevo“ kod Evropske banke za obnovu i razvoj**
- b) **Prijedlog Odluke o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj**
- c) **Nacrt ugovora o zajmu između Međunarodnog aerodroma „Sarajevo“ i Evropske banke za obnovu i razvoj**
- d) **Nacrt ugovora o garanciji za zajam Međunarodnog aerodroma „Sarajevo“ između Bosne i Hercegovine i Evropske banke za obnovu i razvoj**
- e) **Nacrt ugovora o podršci zajma između Federacije Bosne i Hercegovine i Evropske banke za obnovu i razvoj**
- f) **Nacrt posebnog ugovora o garanciji za zajam JP Međunarodnom aerodromu „Sarajevo“ d.o.o. kod Evropske banke za obnovu i razvoj**

između Federalnog ministarstva finansija i JP Međunarodnog aerodroma „Sarajevo“, d.o.o.

Akte je donijela Vlada Federacije i dostavila ih Parlamentu radi razmatranja i odobravanja.

Predstavnički dom je na 31. vanrednoj sjednici od 13.09.2010. godine donio Odluku kojom je odobrio Odluku o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj.

Akte su razmatrala nadležna radna tijela i dostavila izvještaje.

U zajedničkoj raspravi o svim aktima učestvovali su: Igor Rajner, Nail Šećkanović, federalni ministar prometa i komunikacija, Sead Čaušević i Mislav Sučić.

Predsjedavajući je zbog nedostatka kvoruma prekinuo sjednicu u 15.50.

NASTAVAK SJEDNICE, ODRŽANE 23. SEPTEMBRA 2010. GODINE

Sjednica je počela u 12.39.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, premijera Federacije Mustafu Mujezinovića, zamjenika premijera Vjekoslava Bevandu, ministre u Vladi Federacije Bosne i Hercegovine, federalnu ministricu obrazovanja i nauke Melihu Alić, predstavnike udruženja, međunarodnih udruženja i međunarodnih organizacija, kao i predstavnike akreditiranih medijskih kuća koje prate rad sjednice.

Izostanak sa sjednice opravdali su: Jasenko Tufekčić, Drago Puzigaća, Miro Lazović, Senad Kananović, Asim Kamber, Nada Čulak, Snježana Milavić i Ivo Komšić. Na osnovu evidencije Stručne službe, predsjedavajući je konstatovao da sjednici prisustvuje 38 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate na preostale tačke dnevnog reda. Također, podsjetio je delegate na dopis premijera koji od Doma naroda traži da se ponovo razmotri Prijedlog Zakona o dopuni Zakona o privrednim društvima.

Potom se Domu naroda obratio premijer Mustafa Mujezinović.

Nakon obraćanja premijera, predsjedavajući Doma naroda predložio je da se nakon završetka 17. vanredne sjednice održi 18. vanredna sjednica na kojoj bi se razmatrao Prijedlog Zakona o dopuni Zakona o privrednim društvima, što su delegati prihvatili.

Potom se prešlo na rad o preostalim tačkama dnevnog reda.

4. a) **Informacija o kreditnom zaduženju JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina**
- b) **Prijedlog Odluke o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo**
- c) **Nacrt ugovora o sindiciranom dugoročnom kreditu sa valutnom klauzulom između JP Željeznice Federacije Bosne i Hercegovine d.o.o. Sarajevo i Unicredit banke d.d. Mostar i Intesa Sanpaolo banke d.d. Bosna i Hercegovina**
- d) **Nacrt posebnog ugovora o garanciji za kreditno zaduženje JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina između Federacije Bosne i Hercegovine, koju zastupa Federalno ministarstvo finansija, i JP Željeznice Federacije Bosne i Hercegovine d.o.o. Sarajevo**

Predsjedavajući je podsjetio delegate da je rasprava o ovoj tački dnevnog reda zaključena, te se prešlo na izjašnjenje.

- b) **Prijedlog Odluke o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 32 glasa za, uz jedan glas protiv i uz jedan uzdržani glas, donio Odluku kojom je odobrio Odluku o izdavanju garancije Federacije Bosne i Hercegovine u korist Unicredit banke d.d. Mostar i Intesa Sanpaolo banke d.d. Bosna i Hercegovina za kreditno zaduženje JP Željeznice Federacije Bosne i Hercegovine d.o.o. Sarajevo.

- c) **Nacrt ugovora o sindiciranom dugoročnom kreditu sa valutnom klauzulom između JP Željeznice Federacije Bosne i Hercegovine d.o.o. Sarajevo i Unicredit banke d.d. Mostar i Intesa Sanpaolo banke d.d. Bosna i Hercegovina**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasa za i uz jedan uzdržani glas, odobrio Nacrt ugovora o sindiciranom dugoročnom kreditu sa valutnom klauzulom između JP Željeznice Federacije Bosne i Hercegovine d.o.o. Sarajevo i Unicredit banke d.d. Mostar i Intesa Sanpaolo banke d.d. Bosna i Hercegovina.

d) Nacrt posebnog ugovora o garanciji za kreditno zaduženje JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina između Federacije Bosne i Hercegovine, koju zastupa Federalno ministarstvo finansija, i JP Željeznice Federacije Bosne i Hercegovine d.o.o. Sarajevo

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasa za i uz jedan uzdržani glas, odobrio Nacrt posebnog ugovora o garanciji za kreditno zaduženje JP Željeznice Federacije Bosne i Hercegovine d.o.o. Sarajevo kod Unicredit banke d.d. Mostar i Intesa Sanpaolo banke d.d. Bosna i Hercegovina između Federacije Bosne i Hercegovine, koju zastupa Federalno ministarstvo finansija, i JP Željeznice Federacije Bosne i Hercegovine d.o.o. Sarajevo

5. a) **Informacija o zajmu Međunarodnog aerodroma „Sarajevo“ kod Evropske banke za obnovu i razvoj**
- b) **Prijedlog Odluke o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj**
- c) **Nacrt ugovora o zajmu između Međunarodnog aerodroma „Sarajevo“ i Evropske banke za obnovu i razvoj**
- d) **Nacrt ugovora o garanciji za zajam Međunarodnog aerodroma „Sarajevo“ između Bosne i Hercegovine i Evropske banke za obnovu i razvoj**
- e) **Nacrt ugovora o podršci zajma između Federacije Bosne i Hercegovine i Evropske banke za obnovu i razvoj**
- f) **Nacrt posebnog ugovora o garanciji za zajam JP Međunarodnom aerodromu „Sarajevo“ d.o.o. kod Evropske banke za obnovu i razvoj između Federalnog ministarstva finansija i JP Međunarodnog aerodroma „Sarajevo“ d.o.o.**

Predsjedavajući je podsjetio delegate da je rasprava o ovoj tački dnevnog reda zaključena, te se prešlo na izjašnjenje.

- b) **Prijedlog Odluke o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za i uz tri uzdržana glasa, odobrio Prijedlog Odluke o izdavanju garancije Federacije Bosne i Hercegovine Međunarodnom aerodromu „Sarajevo“ d.o.o. Sarajevo po zajmu Evropske banke za obnovu i razvoj.

c) Nacrt ugovora o zajmu između Međunarodnog aerodroma „Sarajevo“ i Evropske banke za obnovu i razvoj

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz dva uzdržana glasa, odobrio Nacrt ugovora o zajmu između Međunarodnog aerodroma „Sarajevo“ i Evropske banke za obnovu i razvoj.

d) Nacrt ugovora o garanciji za zajam Međunarodnog aerodroma „Sarajevo“ između Bosne i Hercegovine i Evropske banke za obnovu i razvoj

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, odobrio Nacrt ugovora o garanciji za zajam Međunarodnog aerodroma „Sarajevo“ između Bosne i Hercegovine i Evropske banke za obnovu i razvoj.

e) Nacrt ugovora o podršci zajma između Federacije Bosne i Hercegovine i Evropske banke za obnovu i razvoj

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za i uz dva uzdržana glasa, odobrio Nacrt ugovora o podršci zajma između Federacije Bosne i Hercegovine i Evropske banke za obnovu i razvoj.

f) Nacrt posebnog ugovora o garanciji za zajam JP Međunarodnom aerodromu „Sarajevo“ d.o.o. kod Evropske banke za obnovu i razvoj između Federalnog ministarstva finansija i JP Međunarodnog aerodroma „Sarajevo“ d.o.o.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz jedan uzdržani glas, odobrio Nacrt posebnog ugovora o garanciji za zajam JP Međunarodnom aerodromu „Sarajevo“ d.o.o. kod Evropske banke za obnovu i razvoj između Federalnog ministarstva finansija i JP Međunarodnog aerodroma „Sarajevo“ d.o.o.

6. Prijedlog za rješenje spornih pitanja u Prijedlogu Zakona o izmjenama i dopunama Zakona o sudovima u Federaciji Bosne i Hercegovine i Prijedlogu Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine

a) Prijedlog Zakona o izmjenama i dopunama Zakona o sudovima u Federaciji Bosne i Hercegovine - (predlagači: Safet Softić, zastupnik u Predstavničkom domu, i Fahrudin Skopljak, delegat u Domu naroda)

Predsjedavajući je podsjetio delegate da je Predstavnički dom na nastavku 32. sjednice od 14.07.2010. godine usvojio Prijedlog Zakona o izmjenama i dopunama Zakona o sudovima u Federaciji Bosne i Hercegovine u tekstu kako su ga predložili predlagači.

Dom naroda je na 15. vanrednoj sjednici od 22.07.2010. godine usvojio Prijedlog Zakona o izmjenama i dopunama Zakona o sudovima u Federaciji Bosne i Hercegovine sa amandmanom predlagača i šest amandmana koje je Dom naroda izglasao.

Predstavnički dom je na nastavku 32. sjednice od 28.07.2010. godine usvojio amandman predlagača na Prijedlog Zakona o izmjenama i dopunama Zakona o sudovima u Federaciji Bosne i Hercegovine dok šest amandmana koje je Dom naroda izglasao Predstavnički dom nije izglasao.

Amandman predlagača Zakona, koji su usvojili oba doma, glasi:

„U Zakonu o sudovima u Federaciji Bosne i Hercegovine u članu 22. u stavu 3. u tački 4) riječ „Lukavac“ se briše, u tački 5) riječ „Banovići“ se briše, a u istom stavu dodaju se tač. 6) i 7) koje glase:

„6) Općinski sud u Lukavcu za područje općine Lukavac;

7) Općinski sud u Banovićima za područje općine Banovići.“

Predsjedavajući je podsjetio delegate da je Zajednička komisija za usaglašavanje različito izglasanih tekstova u oba doma Parlamenta Federacije Bosne i Hercegovine na svojoj sjednici, održanoj 07.09.2010. godine, utvrdila prijedlog za rješenje spornih pitanja u Prijedlogu Zakona kojim je predložila Predstavničkom domu da **usvoji** Amandman II. Doma naroda koji glasi:

Amandman II.

U Zakonu o sudovima u Federaciji Bosne i Hercegovine u članu 22. u stavu 7. u tački 1) iza riječi „Mostara“ piše se tačka i brišu se riječi: „i područje općine Čitluk“.

U istom stavu dodaje se nova tačka 4) koja glasi:

„4) Općinski sud u Čitluku za područje općine Čitluk“.

Zajednička komisija Predstavničkom domu i Domu naroda predložila je da **usvoje izmjenjeni Amandman VI.** Doma naroda koji glasi:

Amandman VI.

U Zakonu o sudovima u Federaciji Bosne i Hercegovine u članu 22. u stavu 6. u tački 2) riječ "Jajce" i rečenica: "Općinski sud u Bugojnu ima odjeljenje izvan sjedišta suda u Jajcu za područje općina Jajce i Dobretići" se brišu.

U istom stavu dodaje se tačka 4) koja glasi:

"4) Općinski sud u Jajcu za područje općina Jajce i Dobretići".

Zajednička komisija Domu naroda predložila je da **odustane od amandmana I., III., IV. i V.** koji glase:

Amandman I.

U Zakonu o sudovima u Federaciji Bosne i Hercegovine u članu 22. u stavu 4. tačka 4) mijenja se i glasi:

„4) Općinski sud u Zavidovićima za područje općine Zavidovići“.

Iza tačke 4) dodaje se nova tačka 5) koja glasi:

„ 5) Općinski sud u Maglaju za područje općine Maglaj“.

Dosadašnje tač. 5) i 6) postaju tač. 6) i 7).

Amandman III.

U Zakonu o sudovima u Federaciji Bosne i Hercegovine u članu 22. stav 10. mijenja se i glasi:

„Općinski sudovi u Kantonu 10 su:

- 1) Općinski sud u Livnu za područje općina Livno i Glamoč;
- 2) Općinski sud u Drvaru za područje općina Drvar i Bosansko Grahovo;
- 3) Općinski sud u Tomislav-Gradu za područje općine Tomislav-Grad i Kupres“.

Amandman IV.

U Zakonu o sudovima u Federaciji Bosne i Hercegovine u članu 22. stav 2. mijenja se i glasi:

“Općinski sudovi u Posavskom kantonu su:

- 1) Općinski sud u Orašju za područje općina Orašje i Domaljevac-Šamac;
- 2) Općinski sud u Odžaku za područje općine Odžak”.

Amandman V.

U Zakonu o sudovima u Federaciji Bosne i Hercegovine u članu 22. u stavu 1. tačka 4) mijenja se i glasi:

“Općinski sud u Sanskom Mostu za područje općina Sanski Most i Ključ. Općinski sud u Sanskom Mostu ima odjeljenje izvan sjedišta suda u Ključu za područje općine Ključ”.

Zajednička komisija predložila je Predstavničkom domu i Domu naroda da **usvoje sljedeće amandmane kojim se uvode novi čl. 2. i 3. Prijedloga Zakona** koji glase:

“Član 2.

Novoosnovani općinski sudovi započet će sa radom kada Visoko sudsko i tužilačko vijeće Bosne i Hercegovine ocijeni da postoje neophodni uvjeti za rad ovih sudova.

Član 3.

Ovaj zakon stupa na snagu narednog dana od dana objavljivanja, a početak će se primjenjivati danom početka mandata imenovanih sudija u novoosnovanim sudovima koje imenuje Visoko sudsko i tužilačko vijeće Bosne i Hercegovine.”

Zajednička komisija predložila je Predstavničkom domu i Domu naroda da usvoje sljedeći:

ZAKLJUČAK

Zadužuju se Visoko sudsko i tužilačko vijeće Bosne i Hercegovine i Federalno ministarstvo pravde da izvrše sveobuhvatnu analizu mreže sudova u Federaciji Bosne i Hercegovine i u roku od šest mjeseci dostave je Parlamentu Federacije Bosne i Hercegovine.

Predstavnički dom je na 31. vanrednoj sjednici od 13.09.2010. godine usvojio prijedlog za rješenje spornih pitanja u Prijedlogu Zakona o izmjenama i dopunama Zakona o sudovima u Federaciji Bosne i Hercegovine u tekstu kako ga je predložila Zajednička komisija.

U raspravi su učestvovali: Josip Perić, Stjepan Krešić, Radoje Vidović, Alija Begović, Muhamed Osmić, Igor Rajner i Bojan Bošnjak.

Nakon rasprave prešlo se na glasanje o prijedlozima Zajedničke komisije.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz jedan glas protiv i uz jedan uzdržani glas, usvojio izmjenjeni Amandman VI. koji glasi:

“U Zakonu o sudovima u Federaciji Bosne i Hercegovine u članu 22. u stavu 6. u tački 2) riječ “Jajce” i rečenica: “Općinski sud u Bugojnu ima odjeljenje izvan sjedišta suda u Jajcu za područje općina Jajce i Dobretići” se brišu.

U istom stavu dodaje se tačka 4) koja glasi:

“4) Općinski sud u Jajcu za područje općina Jajce i Dobretići”.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za, uz dva glasa protiv i uz dva uzdržana glasa, odustao od amandmana I., III., IV. i V. Doma naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za i uz dva uzdržana glasa, usvojio sljedeće amandmane kojim se uvode čl. 2. i 3. Prijedloga Zakona:

“Član 2.

Novoosnovani općinski sudovi započet će sa radom kada Visoko sudsko i tužilačko vijeće Bosne i Hercegovine ocijeni da postoje neophodni uvjeti za rad ovih sudova.

Član 3.

Ovaj zakon stupa na snagu narednog dana od dana objavljivanja, a početak će se primjenjivati danom početka mandata imenovanih sudija u novoosnovanim sudovima koje imenuje Visoko sudsko i tužilačko vijeće Bosne i Hercegovine.”

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za i uz dva uzdržana glasa, usvojio sljedeći:

ZAKLJUČAK

Zadužuju se Visoko sudsko i tužilačko vijeće Bosne i Hercegovine i Federalno ministarstvo pravde da izvrše sveobuhvatnu analizu mreže sudova u Federaciji Bosne i Hercegovine i u roku od šest mjeseci dostave je Parlamentu Federacije Bosne i Hercegovine.

Budući da je Dom naroda prihvatio prijedlog za rješenje spornih pitanja u Prijedlogu Zakona o izmjenama i dopunama Zakona o sudovima u Federaciji Bosne i Hercegovine, Prijedlog Zakona usvojen je u istovjetnom tekstu u oba doma Parlamenta Federacije Bosne i Hercegovine.

b) Prijedlog Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine

Predsjedavajući je podsjetio delegate da je Predstavnički dom na nastavku 31. sjednice od 08.06.2010. godine donio Odluku o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine u tekstu kako ju je predložila Vlada Federacije Bosne i Hercegovine.

Dom naroda je na nastavku 31. sjednice od 22.07.2010. godine donio Odluku o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine uz amandman koji je Dom naroda izglasovao, a koji se odnosi na tačku II. Odluke. Također, Dom naroda je izglasao i tri amandmana koji se odnose na tač. IV., V. i VII. Odluke o osnivanju i imenovanju članova Vijeća nacionalnih manjina Federacije Bosne i Hercegovine.

Predstavnički dom na nastavku 32. sjednice od 27.07.2010. godine nije usvojio amandmane Doma naroda.

Zajednička komisija predložila je Predstavničkom domu da **usvoji** tri amandmana koji se odnose na tač. IV., V. i VII. Odluke o osnivanju i imenovanju članova Vijeća nacionalnih manjina Federacije Bosne i Hercegovine, a koji glase:

Amandman I.

Tačka IV. mijenja se i glasi:

„Udruženja građana Bosne i Hercegovine – pripadnika nacionalnih manjina iz člana 4. Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, br. 56/08), osnovana na području Federacije, odnosno njihovi savezi koji do donošenja ove odluke nisu delegirali svoje predstavnike u Vijeće manjina, mogu to učiniti bez ograničenog roka.

Parlament Federacije Bosne i Hercegovine (u daljnjem tekstu: Parlament) će u tom slučaju dopuniti tačku III. Odluke.“

Amandman II.

Stav 2. tačke V. mijenja se i glasi:

„Vijeće manjina Federacije povremeno će prema svojoj ocjeni ili na poziv parlamentarnog tijela, delegirati predstavnike u Komisiju za ustavna pitanja i Komisiju za ljudska prava i slobode i druge komisije i radna tijela oba doma Parlamenta.“

Amandman III.

Stav 2. tačke VII. mijenja se i glasi:

“U opravdanim slučajevima Parlament može imenovati zamjenu člana Vijeća manjina i tokom njegovog trajanja mandata, na prijedlog samog člana ili udruženja građana – pripadnika te nacionalne manjine, odnosno njihovog saveza i uz mišljenje komisija za ljudska prava i slobode oba doma Parlamenta.”

Zajednička komisija predložila je Domu naroda da **odustane** od amandmana koji se odnosi na tačku II. Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine, a koji glasi:

„U tački II. Odluke o izmjenama i dopunama Odluke o osnivanju i imenovanju članova Vijeća nacionalnih manjina Federacije Bosne i Hercegovine iza imena „**ŠEMSI SUPNAJ**“ dodaje se ime „**MUHAREM SERBEZOVSKI**“.

Predstavnički dom je na 31. vanrednoj sjednici od 13.09.2010. godine usvojio prijedlog Zajedničke komisije i usvojio tri amandmana koji se odnose na tač. IV., V. i VII. Odluke o osnivanju i imenovanju članova Vijeća nacionalnih manjina Federacije Bosne i Hercegovine.

U raspravi je učestvovao Muharem Serbezovski.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije odustao od amandmana, jer su za odustajanje glasala četiri delegata, 23 delegata su bila protiv dok je 10 delegata bilo uzdržano.

Prema tome Prijedlog Odluke nije usvojen u istovjetnom tekstu u oba doma Parlamenta Federacije Bosne i Hercegovine.

* * *

Sjednica je završena u 13.26.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Stjepan Krešić